



otpannews.kz

1973 ЖЫЛДЫҢ 13 СӘУІРІНЕН ШЫҒА БАСТАДЫ

МАҢҒЫСТАУ



Kaspi Bank
арқылы жазылу

№106 (10506) 25 ЖЕЛТОҚСАН, БЕЙСЕНБІ, 2025 ЖЫЛ

ОБЛЫСТЫҚ ҚОҒАМДЫҚ-САЯСИ ГАЗЕТ

ОБЛЫС ӘКІМІ ЕЛОРДАДА ЕСЕП БЕРДІ



МАҢҒЫСТАУ ОБЛЫСЫ ӘКІМІ НҮРДӘУЛЕТ ҚИЛЫБАЙ ОРТАЛЫҚ КОММУНИКАЦИЯ АЛАҢЫНДА ӨНІРДІҢ ӘЛЕУМЕТТІК-ЭКОНОМИКАЛЫҚ ДАМУЫ ТУРАЛЫ ЕСЕП БЕРДІ. ӨНДІРІСІ ӨРКЕНДЕГЕН ӨЛКЕДЕ 11 АЙДЫҢ ҚОРЫТЫНДЫСЫМЕН ЭКОНОМИКАНЫҢ БАРЛЫҚ САЛАСЫНДА ДАМУДЫҢ ОҢ ДИНАМИКАСЫ САҚТАЛДЫ. БҮГІНДЕ ӨНІР ЭКОНОМИКАСЫНЫҢ БАСЫМ БАҒЫТТАРЫНА ӨНДЕУ ӨНЕРКӘСІБІ, ТУРИЗМ, ЛОГИСТИКА, БАЛЫҚ ШАРУАШЫЛЫҒЫ ЖАТАДЫ.

жолдарын жөндеп, арнайы техникаларды көбейту үшін халықаралық «Lufthansa Consulting» компаниясы тартылды. Биыл Ақтау әуежайы «Ақтау теңіз порты» арнайы экономикалық аумағына енгізілді.

Іргелі инвестициялық жобалардың бірі – аммиак-карбамид кешенінің құрылысы. Зауыт жылына 1,7 млн. тонна химиялық өнім өндіреді деп жоспарланған. Жоба үшін 242 гектар жер учаскесі берілді, техникалық-экономикалық негіздемесіне мемлекеттік сараптамадан оң қорытынды алынды. Қазіргі таңда инвестициялар туралы келісімге қол қою процесі жүріп жатыр. Кешен құрылысы 2026 жылы басталып, 2029 жылы аяқталады.

Атап өтер маңызды жайт, инвесторларға қолайлы жағдай жасау мақсатында «Ақтау теңіз порты» арнайы экономикалық аймағының қызмет ету мерзімі 2053 жылға дейін ұзартылып, аумағы қосымша 7,9 мың га кеңейтілді және 23 жаңа қызмет түрі енгізілді. Олардың қатарында кемелер мен қайықтарды жөндеу, киім, жиһаз және ағаш бұйымдарын өндіру бар.

Облыс әкімінің сөзіне сүйенсек, өңірде экономикалық қызметтің басым түрлерін дамыту үшін ғылыми-зерттеу институттарымен бірлескен бағдарламалар әзірленді. Атап айтқанда, өңдеу өнеркәсібінде кадр әлеуетін арттыру бағытанда Қ.Сәтбаев атындағы Қазақ ұлттық техникалық зерттеу университетімен, агроөнеркәсіптік кешенді дамыту бойынша Жәңгір хан атындағы Батыс Қазақстан аграрлық-техникалық университетімен келісімге қол қойылды. Бүгінде Yessenov университеті 2023–2027 жылдар аралығында өңірдің негізгі әлеуметтік-экономикалық, экологиялық және технологиялық міндеттерін шешуге бағытталған ғылыми-зерттеу жобаларын іске асыруда.

Соңғы үш жыл бойы жалпы өңірлік өнім көрсеткіші тұрақты өсімге ие. 2024 жылы ЖӨӨ көлемі 5,0 трлн. теңгені құрады. 2030 жылға дейін жалпы өңірлік өнім көлемін 8 трлн. теңгеге дейін ұлғайту жоспарланды.

ИНВЕСТИЦИЯ ИГІЛІГІ

Инвестициялар – облыс экономикасының тұрақты және сапалы өсуінің негізгі қозғаушы күші. Маңғыстау облысына соңғы үш жылда 3 трлн. теңгеге жуық негізгі капиталға инвестициялар және 3 млрд. АҚШ доллары көлемінде тікелей шетелдік инвестициялар тартылды. Жыл басынан бері құны 235 млрд. теңгені құрайтын 19 инвестициялық жоба іске қосылып, 612 жаңа тұрақты жұмыс орны құрылды. Олардың ішінде «Caspi Bitum» мұнай өңдеу зауытын жаңғырту, Жаңаөзен қаласында сорғы-компрессорлық құбырлар мен сорғы штангаларын өндіру зауытының құрылысы бар.

Сондай-ақ облыс аумағында 2026–2032 жылдары құны 10 трлн. теңгеден астам 55 инвестициялық жобаны іске асыру жоспарланды. Атап айтқанда, түркиялық «YDA Holding» компаниясы Ақтау әуежайы базасында мульти-модальды логистикалық және авиациялық хаб салу жобасын жүзеге асырады. Нәтижесінде жолаушылар ағынын

СОҢҒЫ ҮШ ЖЫЛДА МАҢҒЫСТАУ ОБЛЫСЫНА 3 ТРЛН ТЕҢГЕГЕ ЖҰЫҚ ИНВЕСТИЦИЯ ТАРТЫЛҒАН

ТІКЕЛЕЙ ШЕТЕЛДІК ИНВЕСТИЦИЯЛАР КӨЛЕМІ
3 МЛРД АҚШ ДОЛЛАРЫНА ЖЕТТІ

2026-2032 ЖЫЛДАРЫ 55 ИНВЕСТИЦИЯЛЫҚ
ЖОБАНЫ ІСКЕ АСЫРУ ЖОСПАРЛАНУДА

ЖАЛПЫ ҚҰНЫ → 10 ТРЛН. ТҒ АСАДЫ

ЖАҢА ЖҰМЫС ОРНЫ → 8,8 МЫҢ

БАҒЫТТАРЫ

ӨНДЕУ ӨНЕРКӘСІБІ	→	19 ЖОБА
ТУРИЗМ	→	9 ЖОБА
КӨЛІК ЖӘНЕ ҚОЙМАЛАУ	→	7 ЖОБА
САУДА	→	4 ЖОБА
БАСҚА БАҒЫТТАР	→	16 ЖОБА

жылына 2,5 млн. адамға дейін арттыру, жүк тасымалы көлемін жылына 3 мың тоннадан 100 мың тоннаға дейін ұлғайту жоспарланған. Жоба толықтай 2030 жылы аяқталады.

Сонымен қоса Ақтау әуежайының инфрақұрылымын жаңғырту, ұшу-кону жолағы мен рульдеу

Сондай-ақ Нұрдәулет Қилыбай өз сөзінде «Каспий» әлеуметтік-кәсіпкерлік корпорациясы толыққанды даму институты ретінде трансформациядан өтіп, жаңа ұйымдық құрылым ретінде бекітілгенін атап өтті. Бүгінде қоғам қызметі аясында Маңғыстау облысы экономикасының басым салаларында құны 22,1 млрд. теңгені құрайтын 8 инвестициялық жоба іске асырылуда.

(Жалғасы 2,3-беттерде).

МАҢҒЫСТАУ ТҮЙЕ СҮТІН ЭКСПОРТҚА ШЫҒАРАДЫ



МАҢҒЫСТАУ ОБЛЫСЫНДА АУЫЛ ШАРУАШЫЛЫҒЫ САЛАСЫНДА ТЫҢ СЕРПІН БЕРЕТІН МАҢЫЗДЫ ЖОБА ІСКЕ АСЫП ЖАТЫР. ӨНІРДЕ ТҮЙЕ СҮТІН ӨНДЕП ҰНТАҚ КҮЙІНДЕ ШЕТЕЛ НАРЫҒЫНА ЭКСПОРТТАУ ЖОЛҒА ҚОЙЫЛДЫ. БҰЛ ТУРАЛЫ ОБЛЫС ӘКІМІ НҮРДӘУЛЕТ ҚИЛЫБАЙ АСТАНА ҚАЛАСЫНДА ӨТКЕН ХАЛЫҚҚА ЕСЕП БЕРУ КЕЗДЕСУІНДЕ МӘЛІМДЕДІ.

Әкімнің айтуынша, жанға шипа, дертке дауа саналатын түйе сүтін экспорттауға бағытталған 3 бірдей ірі инвестициялық жоба қолға алынған. Жобаларды отандық және шетелдік ірі инвесторлар жүзеге асырып жатыр. Қазіргі таңда түйе сүтін заманауи технологиялар арқылы өңдеп, құрғақ ұнтақ күйіне келтіретін өндірістік желілер іске қосыла бастаған.

Бұл бастама өңір экономикасы үшін аса маңызды. Себебі Маңғыстау облысында 100 мыңға жуық түйе бар. Табиғи-климаттық жағдайы түйе шаруашылығын дамытуға қолайлы аймақта бұрыннан өндірілетін шұбат пен түйе сүтінің емдік қасиеті бүгінде ғылыми тұрғыда да дәлелденіп отыр. Енді осы өнімдер ішкі нарықпен шектелмей, экспорттық тауарға айналмақ. Ресми деректерге сүйенсек, ұнтақталған түйе сүті ұзақ уақыт сақтауға, тасымалдауға және халықаралық нарық талаптарына сай өткізуге ыңғайлы. Бұл өз кезегінде Маңғыстаудың ауыл шаруашылығы өнімдерін әртараптандыруға, қосымша құн қалыптастыруға мүмкіндік береді. Инвестициялық жобалар толық қуатына шыққанда өңір бюджетіне қомақты қаржы түсіп, жаңа жұмыс орындары ашылады деп күтілуде.

Облыс әкімі Нұрдәулет Қилыбай бұл жобалардың тек экономикалық емес, әлеуметтік маңызы да зор екенін атап өтті. Түйе өсірумен айналысатын шаруаларға тұрақты өткізу нарығы қалыптасып, ауылдық жерлердегі табыс көздері артады. Сонымен қатар өңірдің экспорттық әлеуеті күшейіп, Маңғыстау бренді халықаралық деңгейде танымал бола түседі. Ұлттық және іскерлік бағыттағы бірқатар бұқаралық ақпарат құралдары да бұл бастаманы өңір экономикасындағы жаңа кезең ретінде бағалап отыр. Түйе сүтін ұнтақ күйінде өндіру – Қазақстанда сирек кездесетін, ал Маңғыстау үшін стратегиялық маңызы бар жоба.

Осылайша, дәстүрлі мал шаруашылығын заманауи технологиямен ұштастырған Маңғыстау облысы ауыл шаруашылығы өнімдерін экспорттау арқылы экономиканың жаңа мүмкіндіктерін ашып отыр. Жанға шипа түйе сүті енді аймақтың ғана емес, халықаралық нарықтың да сұранысына ие болмақ.

«Маңғыстау» ақпарат.

• БҮГІНГІ САНДА

ПРЕМИУМ
САПАДАҒЫ
ШӘРБАТ

ЕРЕКШЕ
БАЛАЛАРҒА –
ДИЕТАЛЫҚ МӘЗІР



» 5

» 9